



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

GIREIDI 12

TSHIVENDA LUAMBO LWA U ENGEDZA LWA U THOMA (FAL)

BAMMBIRI LA VHUVHILI (P2)

LUHUHI/THAFAMUHWE 2014

MARAGA: 70

TSHIFHINGA: awara 2

Bammbiri ili li na masiatari a 20.

## NDAELA NA MAFPHUNGO THANGELI

1. Vhalani siatari heli nga vhuronwane ni sa athu u fhindula mbudziso.
2. Ni songo lingedza u vhala bammbiri lothe. Tolani thebulu ya zwi re ngomu kha siatari li tevhelaho ni swaye nomboro dzo disendekaho kha bugu dze na guda nwaha uno. Nga murahu, vhalani mbudziso idzi uri ni kone u nanga dzine na tama u fhindula.
3. Bammbiri heli lo vhumbwa nga khethekanyo NNA:
 

**KHETHEKANYO YA A:** Nganea  
**KHETHEKANYO YA B:** Dirama  
**KHETHEKANYO YA C:** Nganeapfufhi  
**KHETHEKANYO YA D:** Vhurendi
4. Fhindulani MBUDZISO MBILI fhedzi, dzi tshi bva kha khethekanyo MBILI dze na nanga kha idzo khethekanyo nna.  

**KHETHEKANYO YA A: NGANEA**  
 Fhindulani mbudziso NTHIHI kha nganea ye na guda.  
**KHETHEKANYO YA B: DIRAMA**  
 Fhindulani mbudziso NTHIHI kha dirama ye na guda.  
**KHETHEKANYO YA C: NGANEAPFUFHI**  
 Fhindulani mbudziso NTHIHI.  
**KHETHEKANYO YA D: VHURENDI**  
 Fhindulani mbudziso MBILI.  
 Shumisani mutevhe wa u sedzulusa uri u ni thuse.
5. Tevhedzani ndaela dzo nwawalo mathomoni a khethekanyo iwe na iwe nga vhuronwane.
6. Nomborani phindulo dzaunu nga ndila ye mbudziso dza nomborwa ngayo kha bammbiri la mbudziso.
7. Thomani khethekanyo iwe na iwe kha siatari LISWA.
8. Nwalani nga vhudele nahone zwi no vhalea.
9. Ndangatshifhinga yo anganyiwaho: Shumisani minetse i re henefha kha 60 kha khethekanyo iwe na iwe.

**ZWI RE NGOMU****KHETHEKANYO YA A: NGANEA****Fhindulani mbudziso NTHIHI.**

NOMBORO YA MBUDZISO	LUSHAKA LWA MBUDZISO	MARAGA	SIATARI
1. <i>U tshila ndi u vhona</i>	Mbudziso ndapfu	35	5
	<b>KANA</b>		
2. <i>U tshila ndi u vhona</i>	Mbudziso pfufhi	35	5–7

**KHETHEKANYO YA B: DIRAMA****Fhindulani mbudziso NTHIHI.**

3. <i>Findinkodo</i>	Mbudziso ndapfu	35	8
	<b>KANA</b>		
4. <i>Findinkodo</i>	Mbudziso pfufhi	35	8–10

**KHETHEKANYO YA C: NGANEAPFUFHI****Fhindulani mbudziso NTHIHI.**

5. Wo mu nonela	Mbudziso ndapfu	35	11
	<b>KANA</b>		
6. Dokotela wa mukhuwa nandi	Mbudziso pfufhi	35	11–13

**KHETHEKANYO YA D: VHURENDI****Fhindulani mbudziso MBILI.**

7. Bafanabafana	Mbudziso pfufhi	17½	14–15
	<b>KANA</b>		
8. Nelson Mandela	Mbudziso pfufhi	17½	15–16
	<b>KANA</b>		
9. Demokirasi	Mbudziso pfufhi	17½	17–18
	<b>KANA</b>		
10. Ho nengiwa: 17 Lamabamai 1988	Mbudziso pfufhi	17½	19–20

**MUTEVHE WA U SEDZULUSA**

<b>KHETHEKANYO</b>	<b>MBUDZISO</b>	<b>TSHIVHALO TSHA PHINDULO TSHO TEAHO</b>	<b>✓</b>
A: Nganea (Mbudziso ndapfu KANA pfufhi)	1–2	1	
KANA			
B: Dirama (Mbudziso ndapfu KANA pfufhi)	3–4	1	
KANA			
C: Nganeapfufhi (Mbudziso ndapfu KANA pfufhi)	5–6	1	
KANA			
D: Vhurendi	7–10	2	

**KHETHEKANYO YA A: NGANEA**

Fhindulani mbudziso NTHIHI kha idzo dzi re afho fhasi.

**MBUDZISO 1 (Mbudziso ndapfu)*****U TSHILA NDI U VHONA – RN Mađadzhe***

Vhulapfu ha phindulo ya mbudziso ndapfu kha vhu vhe maipfi a u bva kha **250** u ya kha **300**.

Talutshedza ḥnila ye muñwali a i shumisa kha u ḥandavhudza theroyya nganea iyi.

[35]

**KANA****MBUDZISO 2 (Mbudziso pfufhi)*****U TSHILA NDI U VHONA – RN Mađadzhe***

Vhalani mafhungo a tevhelaho uri ni kone u fhindula mbudziso dzi a tevhelaho.

'Eeh Ee! Zwino ndo ḥelwa nga muhumbulo u mpfushaho. Tshine nda do ita ndi u tou ḥoda vhathe vha konaho u shuma hoyu mushumo. Ndi pfa hu tshi pfi Dzwaini na Dugudzha hoyu mushumo a vha u vhone, nahone a vha u vhidzi zwingana lini.' Musi li tshi thoma uri swaṭhaswaṭha, Mpho o mbo di livha ngei ha Dzwaini na Dugudzha. U tshimbila a tshi vhalavhala, izwi na zwila. Nahone o tou fa Mashudu, arali zwo vha zwi si hezwo, ndi musi mufumakadzi wawe o nala. Zwino arali mufumakadzi wawe a tou zwi pfa zwauri tshelede ya zwigidi zwivhili zwa dzirannda o i fha Mashudu, hu nga di bebwā khaukanani. Uri musadzi wawe a sa vhuye a zwi pfa, tsha khwiñe ndi hone u tou isa Mashudu vhadzimuni.

'He ndaa vhathe vhang!' muambi ndi Mpho.

'Ndaa!' Muambi ndi Dugudzha.

'Hu ri ni Vhodokotela?' Wa u ralo ndi Dzwaini.

'Nne ndi hone vhathe vhang vha hashu, ndi vhudzisavho ngeo.'

'Na riñe ro vuwa Vhodokotela. Khezwi ḥamusi vho tou ri kanda vha songo no da na duvha na lithihi fhano ḥduni yashu?' Ndi Dzwaini.

'U da fhano ndi zwidini vhathe vhang.'

'Ndi zwifhio zwidini zwa hone? Nne na Dugudzha ro diimisela u vha thusa, arali ri tshi nga kona u thusa Vhodokotela.' Dzwaini u ralo a tshi khou pomba fola.

'Hu na muñwe muthannga ane a khou ndina. Muthannga uyo ndi Mashudu. Hoyo muthu u khou ndina nga maanda. O mpwashela goloi hu si na tshe nda mu khakhela ngatsho, u bva afho a dovha a ri u khou ḥoda zwigidi zwa fumi.'

Dzwaini na Dugudzha vha pfala nga u mangala tshelede iyo yo bulwaho.

'A zwe ngo fhelela hafho, nga nndani ha izwo, muthannga uyu u vho tambela na mudini wanga. Zwino khumbelo yanga ndi uri hoyo muthu kha shuniwe Tshitavhatsindi. Nga iñwe ndila, nga a iswe vhadzimuni.'

'Ha izwo vha songo ofha tshithu. Riñe ri ñ do phetha mushumo hoyo, na vhutala a vhu nga ñ do vhonala.'

Mpho o mbo ñ di bvisa masheleni a si gathi a fha vhathannga avha. U bva afha, a ho ngo tsha vha na zwinwe arali hu si u humela hayani hawe.

Dugudzha na Dzwaini vho sala vha langana zwauri vha ñ do ya nduni ya Mashudu nga madekwana a Lavhutanu, lo ri li tshi swika, ho no vha madekwana, vho mbo ñ livha nduni ya Mashudu. Afha zwandani vha vhonala vho ambara dzigilafu ngeno zwifhatuwo zwe thivhiwa nga minadzi, ho tou sala ninga na maþo fhedzi. Hu songo fhela tshifhinga tshingafhani, vha mbo ñ vha vha tshi ri vho wa ha Mashudu.

- 2.1      Mushumo une Mpho a khou ñoda Dzwaini na Dugudzha vha tshi mu itela wone ndi wa mini? (1)
- 2.2      Topolani zwithu ZWIVHILI fhedzi zwe zwa itisa uri Mpho a vhulahe Mashudu. (2)
- 2.3      Sumbedzani vhushaka vhu re hone vhukati ha Mashudu na Maria. (2)
- 2.4      Ndi ngani Mpho o vha a sa ñodi Phophi a tshi ñivha nga ha mafhungo awe na Maria? (2)
- 2.5      Ndi ifhio ndatiso ine muthu a i wana nga murahu ha musi o vhulaha muñwe zwi tshi elana na mafhungo e na vhala? (2)
- 2.6      Ndi zwifhio zwithu ZWIRARU zwe Mpho a vhudza Dzwaini na Dugudzha uri Mashudu o mu dina ngazwo? (3)
- 2.7      Sumbedzani hune Maria na Phophi vha fhambana hone. (2)
- 2.8      Ndi zwifhio zwe zwa ita uri Dzwaini na Dugudzha vha ñanganedze khumbelo ya Mpho hu si na u kolonwa? (2)
- 2.9      Muhumbulo muhulwane wa uri Dzwaini na Dugudzha vha yo vhulaha Mashudu vhusiku wo vha u ushio? (2)
- 2.10     Masiandaitwa a u sa fulufhedzea ha Mpho kha mufumakadzi wawe o vha afhio? (2)
- 2.11     Zwe Mpho a ita zwi mu bvukulula sa muthu-ðe? (2)
- 2.12     Ndi zwifhio zwe zwa vha zwi tshi sumbedza uri Mpho ha funi u bvisa tshelede ye Mashudu a vha a tshi khou ñoda yone khae? (2)

- 2.13 Fhindulani mbudziso i tevhelaho nga u ri **Ndi zwone** kana **A si zwone**, ni dovhe ni tikedze:
- 2.13.1 Vho-Phophi vho ri u pfa nga ha u farwa ha Mpho vha takala vhukuma. (2)
- 2.13.2 Muthu a tshi gwevhiwa khothe hu vha ho sedzwa vhutanzi, hu si ngoho ya mafhungo. (2)
- 2.14 Vivho a si lavhuđi, tikedzani vhungoho ha fhungo ili no sedza vhutshilo ha Mpho. (2)
- 2.15 Arali ho vha hu inwi Mpho ni vhona unga thaidzo iyo no vha ni tshi do i tandulula hani? Tikedzani phindulo yañu. (2)
- 2.16 Ndila ye tshiphiri tsha lufu lwa Mashudu ya bvela ngayo khagala inwi ni ri mini ngayo? Tandavhudzani. (3)  
[35]

**THANGANYELO YA KHETHEKANYO YA A:** 35

**KHETHEKANYO YA B: DIRAMA**

Fhindulani mbudziso NTHIHI kha idzo dzi re afho fhasi.

**MBUDZISO 3 (Mbudziso ndapfu)*****FINDINKODO – TT Mudau***

Vhulapfu ha phindulo ya mbudziso ndapfu kha vhu vhe maipfi a u bva kha **250** u ya kha **300**.

Talutshedza ḥdila ye muīwali a i shumisa kha u ḥandavhudza theroy a dirama iyi.

[35]

**KANA****MBUDZISO 4 (Mbudziso pfufhi)*****FINDINKODO – TT Mudau***

Vhalani mafhundo a tevhelaho uri ni kone u fhindula mbudziso dzi a tevhelaho.

**MUTHUMUKHULU:** Riñe a ri mangali vhoiwe ni tshi rula muhwalo nga ḥdila heyi yo raliho. Ro vha ro zwi lavhelela. Arali ni tshi khou humbula uri u ralo zwi ḫo ri vunda maanda, hangwani. Pxesesani hafha De Wit, u luvhelelana ho fhela. Vhathu vhashu vho ima vho sedza, vho vhea maṭo avho kha riñe. Vhathu vhashu tshe vha tambula a si zwino. Riñe ro hwala vhudifhindleli he na vhu sika nga miñwaha heyi. Ri tou vha na miñwaha heyi uri ri sumbedze kana ri shandukise zwe inwi na sika nga miñwaha heyi.  
(*U ita ngafhadzo*)

**DE WIT:** Mupherese, a si uri ...

**MUTHUMUKHULU:** No thanya a no ngo thanya. Zwenezwi ni tshi bva kha khabinethe ni rumu vhazwala vha vhoiwe uri vha bvise tshelede maragani, u itela u ri tshinya dzina, hu u itela u ḫisado fhedzi.

**DE WIT:** Riñe ro ḫiimisela u fhaṭa. Maraga u waho ayo a si ashu. Ndi vhudifhindleli ha muvhuso na vhoramabindu. Ebo, vhathu riñe litshani u ri shata. Ndi ngazwo ro bva kha muvhuso hoyu ngauri zwithu zwi tshi tshinyala ri ḫo sumbwa nga minwe ya misumbavhaloi.

MUTHUMUKHULU:	Ni a funa kana a ni funi, riñe ri ño li fhañta heli shango. Ni a pfuluwa kana a ni pfuluwi riñe ri ño bvela phanda na mbekanyamushumo dzashu dza u takula tshiimo tsha zwishai.
DE WIT:	Na riñe ro ñiimisela u takula tshiimo tsha zwishai, hone ri sa khou tsitsa tshiimo tsha ikonomi.
MUTHUMUKHULU:	Ndi a dza.
DE WIT:	Ngoho.
MUTHUMUKHULU:	Ndo no ita tshanduko kha khabinethe. Ndo lavhelela tsathulo i fhañaho. I re phurophaganda ya 'Swart gevaar' a ri nga ño i kondelela. Ri khou ñoda u fhañta ikonomi ya heli shango, zwenezwo u piringedzana kha zwi re zwivhuya a ri nga ño hu kondelela.
DE WIT:	Na riñe ri vha u fhañta.
MUTHUMUKHULU:	U humbule, ri na miñwaha heyi yo salaho u khwinisa tshiimo tsha murema, tsho tshinyiwaho nga sisiteme yo pulaniwaho ya khwinifhadziwa miñwaha heyi yothe ( <i>U ita ngafhadzo</i> ). Mpfarele, ndi na therisano na vhaanđadzamafhongo. ( <i>U a bva</i> )
DE WIT:	( <i>U a kana-kana</i> ) Kani-ha u bva hashu kha muvhuso wa mbuelano ndi u tshinya? Hafhu u khakha a hu pfali. ( <i>U a bva</i> )

- 4.1 Bulani hune aya mafhuno a khou ambiwa hone. (1)
- 4.2 Topolani zwithu ZWIVHILI zwine Muthumukhulu na De Wit vha tatisana kha zwauri muniwe na muniwe u sumbedza a tshi ñodou zwi itela vhathu vhawé. (2)
- 4.3 Bulani mahoro ane Muthumukhulu na De Wit vha vha khao na vhuimo havho kha ayo mahoro. (4)
- 4.4 Ndi zwifhio zwiitisi zwine zwa ita uri De Wit na Muthumukhulu vha fhambane nga nyambo kha mafhuno aya. Nweledzani ZWIRARU? (3)
- 4.5 Ndi vhonnyi vhane vha nga thusa kha u fhañta ikonomi uri mimaraga i si we? (2)
- 4.6 Ndi zwifhio zwivhuya zwine Muthumukhulu a humbula u zwi ita u khwiñisa tshiimo tsha vhathu vhawé? (2)

- 4.7 Fhindulani mbudziso i tehelaho nga u ri **Ndi zwone** kana **A si zwone**, ni dovhe ni tikedze:
- 4.7.1 U bva ha lihoro kha khabinethe ndi zwone zwine zwa khou wisa ikonomi. (2)
- 4.7.2 Tshiimo tsha murema tsho tshinywa nga lihoro la Madimokirate. (2)
- 4.8 U ya nga kuambele kwa De Wit kha ndima iyi, zwi mu bvukulula e muthu wa bvumbo-de? Tikedzani phindulo yanu. (3)
- 4.9 Kha mutevhe u tehelaho inwi nwalandi mafhundo MARARU ane a sa anane na mafhundo a iyi dirama.
- A Muthumukhulu ndi muphuresidennde wa muvhoso wa mbuelano.
- B Lihoro la Lushaka lo tou pandelwa kha muvhoso wa mbuelano.
- C U wa ha maraga ndi vhudifhinduleli ha muvhoso na vhoramabindu.
- D Skosana o litshiswa vhuminisita nga Muthumukhulu.
- E De Wit o vha e muriwe wa dziminisiya dza muvhoso. (3)
- 4.10 Talutshedzani muhumbulo muhulwane wa Muthumukhulu kha mafhundo aya. (2)
- 4.11 Ndi mini tshe tsha nea thuthuwedzo muiwali u nwala dirama iyi? (2)
- 4.12 Zwi tshi ya nga kuhumbulele kwa, ni vhona kuambele kwa Muthumukhulu kha ndima iyi ku tshi tanganedzea? Tikedzani. (2)
- 4.13 U ya nga kuvhonele kwa ni vhona zwi tshi tendisea na zwine zwa pfi De Wit u khou zwi ita kha ndima iyi? Tikedzani. (2)
- 4.14 Ndimani iyi ni a pfela vhuungu De Wit nga zwine a khou itwa nga Muthumukhulu? Tandavhudzani. (3)  
[35]

**THANGANYELO YA KHETHEKANYO YA B:**

35

**KHETHEKANYO YA C: NGANEAPFUFHI****ZWA VHUTSHILO – NA Milubi na LL Mafenya**

Fhindulani mbudziso NTHIHI kha idzo dzi re afho fhasi.

**MBUDZISO 5 (Mbudziso ndapfu)****Wo mu nonela – LL Mafenya**

Vhulapfu ha phindulo ya mbudziso ndapfu kha vhu vhe maipfi a u bva kha **250** u ya kha **300**.

Talutshedzani ndila ye muñwali a i shumisa kha u tandavhudza theroy ya nganeapfufhi iyí.

[35]

**KANA****MBUDZISO 6 (Mbudziso pfufhi)****Dokotela wa mukhuwa nandi – NA Milubi**

Vhalani mafhungo a tevhelaho uri ni kone u fhindula mbudziso dzi a tevhelaho.

Nangoho a tshi swika fhała u wana mufumakadzi Louw o edela tshitingwililini tsha malofha. A tshi ri u a sendela tsini, munna wawe a fara Konani a mu vhudza uri musadzi wawe ha thaħuvħiwi nga muthu mutswu. Maipfi aya Konani a mu rumbula sa murumbulo fħedzi a si mu mangadze.

Sibadela itshi na kale tsho di vha sibadela tsha khethululano. Tsho di vuwa tshi sibadela tsha makhuwa fħedzi. Muthu mutswu o vha a tshi ri u dzhena ngomu, a ri u mbimbidwa a vhuya a xela na ndila.

Dokotela Konani ndi fhała a tshi lingedza u talutshedza uri mufumakadzi Louw u tea u gidimisewa thyietha khali i sa athu u fħirutshela.

Ndi afha uyu dokotela a tshi sendela tsini na mufumakadzi Louw. Zwenezwo a tshi tou ri u a mu fara, munna wawe a mbo di rahela tshanda tsha dokotela Konani kule. O no tshi raha a sendela tsini-tsini, a mu sumba nga munwe we wa vha u tshi vho tou khokhonya kha ningyo ya Konani.

'Mufumakadzi wanga ha farwi nga madanda a sa divhiho madi.' U ralo a tshi khou amba nga Tshivenda tshe tsha vha tshi khou tou swa nga hone u dzula bulasini ine ya vha na Vhavenda.

'Vhone, vha songo hangwa uri vha khou amba na dokotela. Ndi dokotela hoyu muthu.' Ndi sisita Mawela a tshi khou amba.

Vhudokotela hawe a vhu ambi tshithu kha nne. 'Dokotela ndi divha e wa mukhuwa fħedzi, wa muthu mutswu u di dzula e lone la thavhani.'

Zwenezwo a tshi tou ralo manese vha re henefho tsini vha thoma u sumbedza u sa fushea. 'Oo, zwino ni ḥoda uri uyu muisa ndi mu tendele a tshi ḥathuwa 'misisi,' uri a kone u vhona ngoma ya makhuwa? Neva'. U amba maipfi aya a tshi khou bvisa bibi ye a ḥo i gidela nga fola a i funga. A dubisa luvhili na luraru, lwa vhuṇa mutsi wa vha u tshi thulidza nga dziningoni.

- 6.1 Bulani uri aya mafhongo a khou ambiwa vhathu vhe ngafhi? (1)
- 6.2 Topolani fhungo ḥine ḥa sumbedza uri dokotela Konani o vhaisiwa nga maipfi o ambiwaho nga Louw. (1)
- 6.3 Ndi ngani mufumakadzi Louw o ḥiswa sibadela? (2)
- 6.4 Ḫeani zwithu ZWIVHILI zwine sibadela itshi tsha ḥivhelwa zwone. (2)
- 6.5 Ndi ufhio muhumbulo u ḥiswaho nga fhungo li tevhelaho maelana na aya mafhongo?  
Mufumakadzi Louw u tea u gidimiselwa thyietha khali i sa athu u fhiritshela. (2)
- 6.6 Bulani hune dokotela Konani na Louw vha fhambana hone mafhungoni. (4)
- 6.7 Ndi zwifhio zwine zwa sumbedza uri dokotela Konani u ḥivha pfanelo dzawe sa dokotela? (2)
- 6.8 Fhindulani mbudziso i tevhelaho nga u ri **Ndi zwone** kana **A si zwone**, ni dovhe ni tikedze:
- 6.8.1 Louw ha ngo tenda uri mufumakadzi wawe a thuswe nga Konani sibadela. (2)
  - 6.8.2 U ya nga mafhongo a nganeapfufhi heyi Louw ndi muthu a sa funi u daha fola. (2)
- 6.9 Ndi afhio mafhongo MAVHILI ane a sa anane na mafhongo a iyi nganeapfufhi.
- A Mufumakadzi Louw o ḥiswa sibadela ngauri o vha o rwiwa nga munna wawe.
  - B Manese a vho ngo pfa vho fushea nga zwiito zwa Louw afha sibadela.
  - C Sibadela itshi tsho vha tshi tshi thusa muthu muñwe na muñwe.
  - D Sisiṭa Mawela ndi ene we a edzisa u kaidza Louw a sa mu pfe.
  - E Vhathu vhatswu vho vha sa tendelwi u dzhena afha sibadela. (2)

- 6.10 Ndi tshini tshe tsha tutuwedza dokotela Konani u lilela u thusa mulwadze Louw ngeno munna wawe a sa khou tenda? (2)
- 6.11 Talutshedzani masiandaitwa e a bvelela kha mufumakadzi wa Louw nga nthani ha zwiito zwawe afha sibadela. (2)
- 6.12 Zwiito zwa Louw zwi mu bvukulula e muthu wa mvumbo-de? (2)
- 6.13 Muhumbulo muhulwane wa dokotela Konani kha mafhungo aya ndi ufhio? (2)
- 6.14 Zwe Louw a zwi ita kha dokotela Konani ni vhona zwi tshi tanganedzea? Tikedzani. (2)
- 6.15 Ndi vhufhio vhuimo hañu malugana na zwiito zwa sibadela itshi? (2)
- 6.16 Louw o vha a tshi khou takalela mufumakadzi wawe a tshi fa, inwi ni ri mini nga fhungo ili. Tikedzani. (3)  
[35]

**THANGANYELO YA KHETHEKANYO YA C:** 35

**KHETHEKANYO YA D: VHURENDI****MBUDZISO 7 (Mbudziso pfufhi)**

Vhalani tshirendo tshi tevhelaho uri ni ḫo kona u fhindula mbudziso dzo disendekaho khatsho.

**Bafanabafana – LR Ndlovu**

- |    |  |
|----|--|
| 1  | Bafanabafana i rungunyela sa mutomba lunwenweni              |
| 2  | I nga khomba tshitongiswa tsha mbilu                         |
| 3  | Sa madi lwanzheni, dzina la shango i mbo alamisa             |
| 4  | Khudani nna ha sokou pfala 'Bafanabafana!'                   |
| 5  | Bafanabafana iwe thobvuňwa ya lino                           |
| 6  | Ngavhe u vhe tombo, ndi musi u musuku                        |
| 7  | Ngavhe u vhe luđi, ndi musi u mutoli                         |
| 8  | Ngavhe u vhe nnđu, wo vha u tshi ḫo vha pfamo.               |
| 9  | Vhuthihi nga vhu nge ha guma la ḫotshi                       |
| 10 | Ndivho na mbilu zwi vhe zwithihi                             |
| 11 | Ni si kudane sa ḫanga dza kholomo nga tshańu                 |
| 12 | Musi khaedu i thavha ni si dzhenwe nga ḫowagudu.             |
| 13 | Mulunzhedzi wa vhuthihi ha vhaṭaleli sa musomi wa tshithatha |
| 14 | Mukodeli wa vhuludu, ndi iwe Bafanabafana                    |
| 15 | Iwe ngweňa ya Afrika, luvhomba lwa Afrika Tshipembe          |
| 16 | Ndau i vhombaho ḫifhasi la tetemela.                         |
| 17 | Thuthuwedzo yau 'Madiba Magic' nga i nwelele maramboni       |
| 18 | Îwe ū shanduke tshiala tsha Afrika Tshipembe                 |
| 19 | Mihuvho na mifhululu nga zwi ḫavhe bonelelo kha iwe          |
| 20 | Ngauri fulufhelo la lushaka ndi enewe.                       |

- |       |   |     |
|-------|---|-----|
| 7.1   | Bulani lushaka lwa tshirendo itsi. Ni dovhe ni sumbedze uri ndi tshini tshine tsha ita uri lu vhe lwonolwo lushaka. | (2) |
| 7.2   | Talutshedzani mihumbulo ine ya ḫiswa nga mitaladzi 5 na 6.  | (2) |
| 7.3   | Kha ndima ya u thoma topolani mutualadzi une wa sumbedza uri 'Bafanabafana' i ḫivhiwa ḫifhasi lothe.                | (1) |
| 7.4   | Nweledzani muhumbulo une murendi a u bvisela khagala nga ndima ya vhuvhili.   | (2) |
| 7.5   | Fhindulani mbudziso i tevhelaho nga u ri <b>Ndi zwone</b> kana <b>A si zwone</b> , ni dovhe ni tikedze:             |     |
| 7.5.1 | 'Bafanabafana' a i tei u tshuwa musi yo livhana na thaidzo.   | (2) |
| 7.5.2 | 'Bafanabafana' a i takuleli shango ḫayo nthā.   | (2) |

- 7.6 Talutshedzani vhudipfi ha murendi tshirendoni itshi tsha 'Bafanabafana'. (1½)
- 7.7 Neani thalutshedzo ya zwine murendi a todou zwi bvisela khagala nga mutaladzi 11. (2)
- 7.8 Ni a tendelana na muhumbulo wa murendi wa u dzhia Vho-Mandela sa vhone mutuwedzi? (3)  
[17½]

**KANA/NA****MBUDZISO 8 (Mbudziso pfufhi)****Nelson Mandela – WMR Sigwaghulimu**

- 1 Duvha le la u kovhelela u tshi li vhona  
2 Ndi duvha line la khou bva u tshi li vhona  
3 A hu na mutodzi we wa rothisa,  
4 Iwe Nelson Mandela tshithavhelo tsha ngozwintswu.
- 5 A hu na mukosi we wa tavha,  
6 Musi u tshi khadwa sa tshikono,  
7 U tshi tsela dindini li si na vhudifhinduleli?  
8 Wa dzula vhudzulavhafu miñwaha ya 27.
- 9 Sa dzhogo yo dzumbiwaho mupfudzeni,  
10 Wo dzumbiwa dzhele miñwaha minzhi,  
11 Wa vhibvela dzhele na lufuno,  
12 Uri u vhe murangaphanda wa vharangaphanda.
- 13 Ri fhululedza ngozwi yo u beba ho.  
14 Ngozwi ya mashudu mahulu,  
15 Ye khayo wa nwa vhuitungu na vhuhali,  
16 Wa nanga u fela vhanzhi vho nyadziwaho.
- 17 Duvha le wa kanda nn̄da,  
18 Mato au o kombodzwa nga duvha,  
19 Sa mato a lutshetshe luvhisi,  
20 A tshi tangana na duvha lwa u thoma.
- 21 Milenzhe yau yo tetemela u kanda mavu,  
22 A shango le wa bebwa wa hulela khalo,  
23 Shango le vhomakhulukuku wau vha newa  
24 Nga Musiki-wa-vhothe uri li vhe ifa lavho.

25        Ri u neani riñe ro rano,  
 26        Riñe tsiwana dzo tangulwaho  
 27        Riñe vha u tenda wone mutsho  
 28        Tshashu a ri na nga nn̄da ha uri a u ri tshileli.  
  
 29        Wo funza vhatsikeledzi na vhathubi vhau,  
 30        Uri naho mbilu yo tsikwa a wo ngo xedza tshiseo,  
 31        Tshiseo tshi serekanyaho makole matswu,  
 32        O tibaho fulufhelo la ngozwintswu.  
  
 33        Ndi wana ngafhi maipfi a ndunzhe-ndunzhe  
 34        Ane ngao nda vhumba Mandela a sa fi  
 35        Mandela wa tshifhatuwo tshitete  
 36        Ngeno mbilu yo hwala yo inga.  
  
 37        Ri a fhululedza ri a renda  
 38        Vhutali na nungo dzau  
 39        Dze wa newa nga Mudzimu  
 40        Uri u vhofholole vhathu vhawe vhuthubwani.

- 8.1 U ya nga muñwali ndi zwifhio zwe Nelson Mandela a mamela zwi wanalaho kha ndima ya vhuña? (2)
- 8.2 Kha ndima ya vhumalo topolani mutualadzi une wa sumbedza uri Nelson Mandela ha ngo sumbedza u dinalea naho a tshi khou vhaisiwa. (1)
- 8.3 Talutshedzani tshe Mandela a disa vhathuni musi a tshi bva dzhele. (2)
- 8.4 Nweledzani muhumbulo une murendi a tama u u bvisela khangala kha ndima ya vhuraru. (2)
- 8.5 Fhindulani mbudziso i tevhelaho nga u ri **Ndi zwone** kana **A si zwone**, ni dovhe ni tikedze:
- 8.5.1 Nelson Mandela o ya dzhele a khou itela lushaka lwo nyadzeaho. (2)
  - 8.5.2 Mandela ndi muthu wa tshituhu. (2)
- 8.6 Talutshedzani vhudipfi ha murendi tshirendoni itshi. (1½)
- 8.7 Neani thalutshedzo ya zwine murendi a todou zwi bvisela khagala nga mutualadzi 7. (2)
- 8.8 Ni a tendelana na kuhumbulele kwa murendi zwi tshi elana na ndima ya vhusumbe? Tikedzani. (3)
- [17½]

## KANA/NA

**MBUDZISO 9 (Mbudziso pfufhi)**

Vhalani tshirendo tshi tevhelaho uri ni  $\hat{d}o$  kona u fhindula mbudziso dzo disendekaho khatsho:

**Demokirasi – TZ Ramaliba**

- 1 Iwe demokirasi
- 2 Wo  $\hat{d}$ isa mulalo kha vhatshena na kha maindia,
- 3 Wa  $\hat{d}$ isa pfiripfiri kha vharema,
- 4 Nge vha si u  $\hat{d}$ ivhe,
- 5 Vhe iwe wo  $\hat{h}$ ulisa vhana na vhasadzi,
- 6 Khotsi a shanduka  $\hat{n}$ wana,
- 7 Hone zwi songo fanela,
- 8 Iwe u muvhuya kha vhothe,
- 9 Vha tou sa u  $\hat{d}$ ivha.
- 10 Iwe demokirasi,
- 11 Vhanzhi ngoho a vha u  $\hat{d}$ i,
- 12 Nge vha u  $\hat{e}$ danyisa munna na musadzi,
- 13 Musadzi a vha munna,
- 14 Ayo ndi mazwifhi magagagaga,
- 15 Munna hu uri u  $\hat{d}o$   $\hat{d}$ i dzula e munna,
- 16 Musadzi a dzula e musadzi.
- 17 Ho tou shaiwa  $\hat{t}$ halukanyo,
- 18 Na u shaya u sa  $\hat{d}\hat{d}$ ivha vhubvo.
- 19 Iwe demokirasi,
- 20 Tsinde  $\hat{l}$ i dzula  $\hat{l}$ i tsinde,
- 21 Tavhi tsha $\hat{l}$ o ndi u tikwa,
- 22 Tsinde a  $\hat{l}$ i tikiwi nga tavhi,
- 23 Tavhi  $\hat{l}$ i bva tsindeni,
- 24 Musadzi na  $\hat{n}$ wana ndi matavhi,
- 25 Zwiliwa matavhini zwi bva zwi tsindeni,
- 26 Tsinde ndi lone  $\hat{l}$ a tshisima tsha zwiliwa,
- 27 Demokirasi ndi u ita zwo fanelaho u itwa nga muthu.
- 28 Demokirasi a si u ita zwine muthu a funa nga tshifhinga tshine a funa.
- 29 Pfanelo ya mu $\hat{n}$ we a i wanali ntha ha ya mu $\hat{n}$ we,
- 30 Mu $\hat{n}$ we na mu $\hat{n}$ we u na pfanelo dzawe
- 31 Heneffo hune a vha hone,
- 32 Khosi i  $\hat{d}o$  dzula i khosi,
- 33 Khotsi na ene u  $\hat{d}o$  dzula e khotsi,
- 34 Musadzi a dzula e musadzi,
- 35 Musadzi na ene a vha musadzi,
- 36 Khotsi u tea u dzula e kha ndinganyelo.

- 9.1 U ya nga murendi bulani mirafho MIVHILI ye demokirasi ya i disela zwivhuya. (2)
- 9.2 Kha ndima ya vhuvhili topolani mutualadzi une wa sumbedza uri munna u tshe na vhudifhunduleli hawe ha u vha munna. (1)
- 9.3 Talutshedzani uri ndi ngani demokirasi yo disa khakhathi kha Vharema. (2)
- 9.4 Nweledzani muhumbulo une murendi a tama u u bvisela khagala kha ndima ya vhuraru. (2)
- 9.5 Fhindulani mbudziso i tevhelaho nga u ri **Ndi zwone** kana **A si zwone**, ni dovhe ni tikedze:
- 9.5.1 Ndi mushumo wa munna u unda vha muta wawe. (2)
  - 9.5.2 Demokirasi i tendela muniwe na muniwe a tshi ita zwine ene mune a funa. (2)
- 9.6 Talutshedzani vhudipfi ha murendi tshirendoni itsi. (1½)
- 9.7 Neani thalutshedzo ya zwine murendi a todou zwi bvisela khagala nga mutualadzi 24. (2)
- 9.8 Ni a tendelana na kuhumbulele kwa murendi zwi tshi elana na ndima ya vhuna? Tikedzani. (3)  
[17½]

**KANA/NA**

**MBUDZISO 10 (Mbudziso pfufhi)**

Vhalani tshirendo tshi tevhelaho uri ni ḋo kona u fhindula mbudziso dzo disendekaho khatsho.

**Ho ḥengiwa: 17 Lamabamai 1988 – WMR Sigwaghulimu**

- 1 Madida mbilu, madida mbilu
- 2 Muri wa murunzi wo sikuwa
- 3 Venda lo alainwa nga gole litswu
- 4 Duvha lo kovhela hu masiari.
- 5 Ri vhidzelela nnyi wee,
- 6 Ri pfiwa nga nnyi wee
- 7 Kha vhutungu vhungafha
- 8 Ho tsikaho shango la Vend̄a.
- 9 Inwi zwiñoni ni fhufhafhufhaho
- 10 Inwi miri na dzithavha
- 11 Na inwi milambo ni elelaho
- 12 No vhona mini, no pfa mini.
- 13 Ni a zwi ñivha naa zwo waho
- 14 A no ngo zwi pfa naa zwa u xa ha mativha
- 15 Yawee, ro tangulwa
- 16 Khosi muphuresidennde Vho P.R. Mphephu vho dzama.
- 17 Iwe duvha u ḥengeledzaho u tshi bva vhubvaðuvha.
- 18 Wo vha u hone muhali washu a tshi bva
- 19 Nazwino u hone wo mu vhona a tshi kovhela
- 20 A suvhela maswiswini a vhuhwi.
- 21 Zwa Mudzimu a zwi fhedzwi nga muthu
- 22 Ndi thai i si na mubuli
- 23 Lufu ndi lamidza la ndozwo
- 24 Li godimisa vhahali na magoswi.
- 25 Ri na afhio maano?
- 26 Vhutali hashu ndi vhufhio?
- 27 Dzin zambo dzashu dzi ngafhi?
- 28 Ri fhufhe nzarara ri pfuke mulavhu.
- 29 Kha ri rudze mbilu ri zwi tanganedze
- 30 Muhali vho ya vhuawelonî ha mirafho
- 31 Zwe vha shuma vho shuma
- 32 Ndi lone ifa lashu.

- 10.1 Bulani lushaka lwa tshirendo itshi. Ni dovhe ni sumbedze uri ndi tshini tshine tsha ita uri lu vhe lwonolwo lushaka. (2)
- 10.2 Kha ndima ya u thoma topolani mutualadzi une wa sumbedza uri ho lovha muthu wa thuso kha vhathu. (1)
- 10.3 Ndi ngani murendi a tshi sumbedza u vhaisala nga ulwu lufu lwo bvelelaho? (2)
- 10.4 Nweledzani muhumbulo une murendi a tama u u bvisela khagala kha ndima ya vhusumbe. (2)
- 10.5 Fhindulani mbudziso i tehelaho nga u ri **Ndi zwone** kana **A si zwone**, ni dovhe ni tikedze:
- 10.5.1 Lufu a lu taluli. (2)
  - 10.5.2 Murendi u sumbedza u toda vhathu vha u mu phalala. (2)
- 10.6 Talutshedzani vhudipfi ha murendi tshirendoni itshi. (1½)
- 10.7 Neani thalutshedzo ya zwine murendi a todou zwi bvisela khagala nga mutualadzi 25. (2)
- 10.8 Ni a tendelana na kuhumbulele kwa murendi zwi tshi elana na ndima ya vhumalo? Tikedzani. (3)  
[17½]

**THANGANYELO YA KHETHEKANYO YA D:  
MARAGAGUTE:**

35  
70